

Na osnovu člana 104. stav 1. al. 11. i 15. Zakona o zdravstvenom osiguranju ("Službene novine Federacije Bosne i Hercegovine", br. 30/97, 07/02, 70/08, 48/11 i 36/18), člana 38a. stav (3) Pravilnika o načinu ostvarivanja prava iz obaveznog zdravstvenog osiguranja ("Službene novine Federacije Bosne i Hercegovine", br. 31/02 i 20/19) i člana 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj: 69/05), a u vezi tačke IX Odluke o utvrđivanju osnovnog paketa zdravstvenih prava („Službene novine Federacije BiH“, broj: 21/09), Upravni odbor Zavoda zdravstvenog osiguranja i reosiguranja Federacije Bosne i Hercegovine, na 101. sjednici uz elektronsko izjašnjavanje članova Upravnog odbora od 17.12.2020. godine, donosi

## **ODLUKU**

**o stavljanju van snage Odluke o obustavi primjene  
Odluke o sufinansiranju pruženih zdravstvenih usluga i nabavke lijekova i uspostavljanju  
ponovne primjene navedene Odluke o sufinansiranju**

### **Član 1.**

Ovom Odlukom stavlja se van snage Odluka o obustavi primjene Odluke o sufinansiranju pruženih zdravstvenih usluga i nabavke lijekova broj: 02/I-01-1-1198-1/20 od 08.04.2020. godine (u daljem tekstu: Odluka o obustavi primjene Odluke o sufinansiranju) i uspostavlja ponovna primjena Odluke o sufinansiranju pruženih zdravstvenih usluga i nabavke lijekova broj: 02/I-01-1-1572-1/19 od 23.04.2019. godine i broj: 02/I-01-1-4108-1/19 od 26.11.2019. godine (u daljem tekstu: Odluka o sufinansiranju).

### **Član 2.**

U ovom periodu ostvaruju se prihodi u okviru planiranih Finansijskim planom Zavoda zdravstvenog osiguranja i reosiguranja Federacije BiH, za 2020. godinu, odnosno uspostavljanjem redovnog priliva finansijskih sredstava, ponovno se omogućava sufinansiranje troškova u smislu Odluke o sufinansiranju te se donosi ova Odluka kojom se, članom 1., stavlja van snage Odluka o obustavi primjene Odluke o sufinansiranju i uspostavlja ponovna primjena Odluke o sufinansiranju.


### **Član 3.**

Zahtjevi podneseni nakon stupanja na snagu Odluke o obustavi primjene Odluke o sufinansiranju, saglasno članu 3. Odluke o obustavi primjene Odluke o sufinansiranju, razmatraće se po ponovnoj uspostavi primjene Odluke o sufinansiranju odnosno po stupanju na snagu ove Odluke.

### **Član 4.**

Ova Odluka stupa na snagu danom donošenja.

Broj: 02/I-01-1-3472-1/20  
Sarajevo, 17.12.2020. godine



## Obrazloženje

### I-Pravni osnov

Pravni osnov za donošenje ove Odluke sadržan je u odredbi člana 38a. stav (3) Pravilnika o načinu ostvarivanja prava iz obaveznog zdravstvenog osiguranja ("Službene novine Federacije Bosne i Hercegovine", br. 31/02 i 20/19) kojim je propisano da se „Općim aktima zavoda zdravstvenog osiguranja utvrđuju kriteriji, način i postupak sufinansiranja prava iz stava (1) ovog člana, kao i najviši procentualni iznos sredstava koji se može opredijeliti za finansiranje ovog prava po pojedinačnom zahtjevu u jednoj kalendarskoj godini”.

Takođe pravni osnov za donošenje ove Odluke sadržan je i u odredbi člana 104. Zakona o zdravstvenom osiguranju te članu 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj:69/05) kojim je propisano da Upravni odbor Federalnog zavoda odlučuje o određenim pitanjima saglasno svojim nadležnostima te , između ostalog i „raspoređuje sredstva federalne solidarnosti po utvrđenim namjenama " i „donosi druge akte neophodne za poslovanje federalnog fonda solidarnosti" odnosno „vrši i druge poslove za koje je ovlašćen zakonom, podzakonskim, općim i drugim aktima).

### II- Razlozi donošenja

Kako je, između ostalog i navedeno u obrazloženju Odluke o obustavi primjene Odluke o sufinansiranju pruženih zdravstvenih usluga i nabavke lijekova broj:02/I-01-1-1198-1/20 od 08.04.2020.godine , ista je donesena iz razloga vezanih za proglašenje stanja nesreće zbog koronavirusa na području Federacije BiH od strane Vlade Federacije BiH odnosno vezano za dešavanja u vezi sa koronavirusom (COVID-19) i okolnostima koje iz toga proizilaze , a koje su dovele do neizvjesnosti ostvarenja planiranih prihoda u 2020. godini, što je moglo ugroziti i redovno finansiranje troškova pruženih zdravstvenih usluga i nabavke lijekova za prioritetne federalne programe zdravstvene zaštite, odnosno prioritetne najsloženije oblike zdravstvene zaštite iz određenih specijalističkih djelatnosti .

Kako se u ovom periodu ostvaruju prihodi u okviru planiranih Finansijskim planom Zavoda zdravstvenog osiguranja i reosiguranja Federacije BiH, za 2020. godinu, odnosno uspostavljanjem redovnog priliva finansijskih sredstava ponovno se omogućava sufinansiranje troškova u smislu Odluke o sufinansiranju to se donosi se ova Odluka kojom se stavlja van snage Odluka o obustavi primjene Odluke o sufinansiranju i uspostavlja ponovna primjena Odluke o sufinansiranju.

### III- Obrazloženje pravnih rješenja

U članu 1. Ove Odluke navedeno je da se stavlja se van snage Odluka o obustavi primjene Odluke o sufinansiranju i uspostavlja ponovna primjena Odluke o sufinansiranju .

U članu 2. Ove Odluke se navodi da se u ovom periodu ostvaruju prihodi u okviru planiranih Finansijskim planom Zavoda zdravstvenog osiguranja i reosiguranja Federacije BiH, za 2020. godinu, odnosno da se uspostavljanjem redovnog priliva finansijskih sredstava, ponovno omogućava sufinansiranje troškova u smislu Odluke o sufinansiranju te da se se donosi ova Odluka kojom se, članom 1., stavlja van snage Odluka o obustavi primjene Odluke o sufinansiranju i uspostavlja ponovna primjena Odluke o sufinansiranju.

U članu 3. Ove Odluke se navodi da će se Zahtjevi podneseni nakon stupanja na snagu Odluke o obustavi primjene Odluke o sufinansiranju, saglasno članu 3. Odluke o obustavi primjene Odluke o sufinansiranju, razmatrati po ponovnoj uspostavi primjene Odluke o sufinansiranju odnosno po stupanju na snagu ove Odluke.

U članu 4. ove Odluke se navodi da ova Odluka stupa na snagu danom donošenja.